

又別誦經。具疏回向土地。使早發遣之。自是一樓帖然。他日詢郡士云。洪秀才者。福州人。游學於溫。亦以其年溺死。

陽春縣鬼

南恩州陽春縣。即古春州。有異鬼。棲於主簿廨。能白晝形見。飲食言笑如生人。尤惡人言其狀。言之即肆擾。主簿家極苦之。且必拜。食必祭。奉事唯謹。有斑直為巡檢。初到官。簿招與飲。語及奇事。因詢此怪。未及對。鬼已立於巡檢後。簿色變。起立。巡檢覺有異。引手摔之。鬼不勝仆於地。巡檢且摔且毆。鬼願簿哀鳴求救。簿力為請。乃得脫。其家畏其必遷。怒終夕弗敢寐。到晚寂然無聲。啟戶見壁間大書曰。為巡檢粗人。不足較。且去。自此遂絕。

盤門外僧庵

平江盤門外有僧庵。僧行數人共處。淳熙己酉八月。夜聞擊戶聲甚亟。啟關視之。則一女子也。攜銀裹粧。壘及數百錢。云家正數里外。歸省父母。值風雨不可前。願容托宿。不然。恐有意外性命之禍。佛法慈悲。幸垂哀愍。僧不得已納之。乃為掃一室。須臾。女含笑暱。近必欲促僧

共榻。且恐以危言。曰若不我留。當死於此。僧又阻勉從之。迨曉。取錢付僧。倩買絹數尺及脂粉之屬。懷之而去。某夕復來。後一城居祝秀才。以女慕在巷側。縱步訪僧。見粧壘在其室。疑是柩中物。遣僕呼其子驗之。果然。叩所從得。不肯言。乃訴於吳縣。縣逮治僧。行始道前事。祝氏父兄未之信。啟冢發棺。見女尸。側目如生。手持所買絹脂粉在傍。冢外無損。陷只一竅。僅可容小兒拳耳。不勝駭歎。以衣覆其上。禱曰。汝若復能仰臥。則當再治葬。少時揭衣。已仰臥矣。慮終為家恥。竟舉而焚之。

張文林子婦

致和中。鎮江府丹徒縣李主簿。被轉運檄往湖州。方田府差二吏曰徐璋。曰蔡禮。與偕行。既至境。館於近郊。觀音院僧房。其傍一小室。扁鐫甚固。二吏竊窺之。見壁間挂美女子像。前設香火。知為殯宮。私自謂曰。我輩在旅。凄單若得如此來伴。一笑何幸哉。徐以扣僧。僧云。郡人張文林。今為明州象山令。其長婦死。攢殯彼室。淺土中。而委吾歲時供事。此其畫像也。是夕璋既寢。禮寢未熟。見女子褰幃入。笑曰。汝且晝有意羨我。故來相就。將與

汝周旋。切勿語人。及無以為怪。而生疑懼。禮欣然滿望。留之狎昵。自是與璋異榻。每夕必至。踰月矣。二吏以裝齋垂竭。啟主簿求暫歸。主簿曰。璋善筆札。吾不可闕。禮獨歸足矣。至夜。女子來。問欲歸之故。禮告之。女曰。我有金釵。遺汝持貨。足以少濟。願罷西去之役。即拔頭上釵。授禮。明日鬻於肆。得錢萬六千。而始謂璋曰。適入城。偶逢鄉人。以此借我。今當共用之。毋庸歸也。璋默念。我與彼同里巷。豈有鄉人至而不識之理。且聞禮夜夜若與人私語。恐異時敗。將為己累。乃著意伺之。一日天欲曉。正值女從禮榻而下。急掩之。仆於地。宛若初死者。衣冠儼然。咸驚怖。不知所為。以實告主簿。屬守視而拘二吏於官。付獄究鞫。復移文象山張令。遣老嫗詣寺發瘞。則已空矣。遂得免。未幾還丹徒。竟以憂駭得疾。禮璋并殂。

山陽二十子

紹興十年。兩淮兵革甫定。避地南渡者。稍復還鄉。山陽二十子。歸理故業。道經淮揚。舍於北門外。日已暮矣。主人慰諭綢繆。云吾主張此邸。唯恐客留不久。然於二君之前。不敢不以誠白。是間殊不潔淨。又有盜。不可宿也。

距此十里呂氏莊。寬雅幽肅。且有禦寇之備。願往投之。當以僕馬相送。士子見其忠告。且素熟呂莊。領之而去。主人殷勤惜別。仍屬回塗。見過遣兩健僕控馬。其行甚穩。夜未半。抵莊。莊幹出迎云。此地多鬼物。何為夜行。士子具道所以。方解鞍。僕馬屹立不動。而墮下。取火視之。但見大枯竹兩竿。木橙兩條而已。即碎而焚之。後亦無他。歷數月。再到其處。北門寂然。無所謂主人也。

房州司理男

乾道戊子歲。房州司理汪尹師。有男。年將弱冠。習舉子業。宿於外舍。講學勤苦。常至夜半乃寐。忽得疾。飲食盡廢。不復觀書。而茹痛不肯言。經月而死。久之。其乳母亦暴亡。三日復甦。云前政交代之室女。死於此。吾兒蓋與之相遇。今遂為夫婦。樂勝人間。欲取我往。如平生時。看視我責之曰。郎君幽婚。情同魚水。豈不念父母追悼乎。我若復留。誰與供過。兒感泣無語。我始得歸。予宗仁光基時為房陵尉。親見此事。

鶴林玉露

韓蕲王夫人

羅大經